



Betiko Sagardoa

VIII • Botilako sagardoa

BERRIA
Ostirala, 2017ko maiatzaren 12a

SAGARDOA BOTILATIK DASTATZEKO ASPALDIKO OHITURA

Duela laurogei urte inguru hasi zen kontsumitzen sagardoa botilatik. Litro batekoak ziren garai hartako botilak.



SAIZAR

Sagardoa • Sidra Natural

SAGARDOTEGI KO ERRESERBAK
943 373 995

BODEGA
Kale Zahar 400a, 39 - Apdo. 68
20.170 USURBIL (Gipuzkoa)
+34 943 36 45 97
sidreria@sidrassaizar.com

www.sidrassaizar.com



Orduan, 36ko gerraren aurretik hain zuzen, sagardoa litro bateko botiletan banatzen zen. Gerraren ondoren, sagardoaren sektorea gain behera hasi zen, botila berririk ez zen egin, eta, ondorioz, aurretik erabiltako botila hutsak sagardoa gordetzeko erabiltzen ziren; xanpain botila hutsak, esaterako.

Sagardogileek edo norik bere kontsumorako sagardoa egiten zutenek merkatuan bilatzen zituzten botilak, xanpain botilak gehienetan, horiek zirelako aurkitzen errazena, nahiz eta sagardoa gordetzeko ezaugarri egokiak ez izan, oso pisutsuak zirelako, besteak beste.

KOLORE BERDEA

Gaur egun erabiltzen den botila duela 25 bat urte sortu zen; hiru litro laurdenekoa, alegia. Botila berri horrek sektoreari bultzada eman zion. Garai batekoak gardenak ziren, eta botila berri hori berdea da. Kontsumitzaileek gustura hartu zuten botila berriaren kolorea. Gainera, berdea naturaren kolorea denez, sagardo naturala gordetzeko egokia da.

Aurrerantzean, litro bateko botilak ekoitzi ordez, hiru laurdenekoak merkaturatzen hasi ziren. Ardoa ere hiru laurdeneko botilatan saltzen baitzuten orduan. Neurri estandarra zen, azken batean.

Ohiko hiru laurdeneko edo 75 zentilitroko edukiera duten botilak ez ezik, 37,5 zentilitroko beste batzuk ere aurki daitezke saltokietan, baina horiek ez dira hainbeste saltzen. 33 zentilitrokoak ere bai, baina horiek ere ez dute arrakasta handirik izaten. Sagardoa, botilan, gehienbat hiru laurdeneko botilatan ekoitzen eta kontsumitzen baita.



Saizar sagardotegiaren 2016ko urtako sagardo botila bat, sagarrondo batzuen aurrean. SAIZAR SAGARDOTEGIA



Sagardoa botilatzen, Ertigar kooperatiban. SAIZAR SAGARDOTEGIA